

M177: Predigtfragmente (M/G T 37c)

- 1,1 [...] [...] gewihit
 1,2 zu eime gotes hus . Do wart Hermogenes
 1,3 bischof zu der selben stat un- dar
 1,4 nach so wart philetus sin successor an deme
 1,5 selben ammete . un- die anderen iungeren
 1,6 di wurden in den anderen steten gesazt
 1,7 ze meisteren . un- da so wurden manegu
 1,8 ceichen follebraht fon in . in unsers herren
 1,9 namen . da bekarte sich allez daz lut daz
 1,10 irgen in deme lande was zu unserme herren
 1,11 ih-u xo Dirre heilige apIs- mine lieben
 1,12 der guote scs- iacobet der wart gemarteret
 1,13 umme di osterlichen cite so wart
 1,14 aber du cristenheit alse hute ist su hochgecite .
 1,15 do ouch sin lichamen wart enwek
 1,16 gefuort un- mit den himelischen ceichenen
 1,17 wart gelobet un- geeret un- der werlnte
 1,18 bewiset ze troste un- ze gnade Ouch wirt
 1,19 sin hochgecit hute gemeret mit deme
 1,20 bigenknisse des guoten sci x-pofori der
 1,21 des heiligen geistes fol was un- der den
 1,22 heidenen daz gotes wort fore sagete

 2,1 un- bikarte des lutes manic
 2,2 turent zu deme waren glouben unsers
 2,3 herren ihu- xi . ze iungest wart er doch begriffen
 2,4 fon me kuninge durch den namen
 2,5 unsers herren un- wart gebunden mit
 2,6 einer ketenen . un- wart in den kerkere
 2,7 geworfen durch die gotes minne . un- do
 2,8 mit iserinen besemen zeslagen . un- dar
 2,9 nach so wart er in einen gluontingen
 2,10 ouen geworfen . da uerlasc daz fur for
 2,11 ime fon dere gotes crapht . do wart er do
 2,12 an deme felde uf gesazt zu eineme zile .
 2,13 da schuzzen die meintetegen zu ime alsame
 2,14 er nie mensesche wurde . zu allerlezzest
 2,15 da sluc man ime daz houbet abe .

2,16 Da bekarte sich der kuninc do er du ceichen
 2,17 ane sach di unser herro got begienk
 2,18 durch sines mertereres willen des guoten
 2,19 sci- xp-ofori des tac wir hute begen .
 2,20 un- gebot daz man eine kirchen worhte
 2,21 in sci- xp-ofori ere uffē sineme eigene . un-
 2,22 sazte da gotes dienest biz an disen hutegen

3,1 tac Nu mine lieben wande dise zuene
 3,2 heiligen luhtent un- lebent . in deme antlizze
 3,3 der ewigen sunnen . da ouch alle
 3,4 die sulen geeret werde die sinen namen
 3,5 minnent . so bitet si flizzekliche daz
 3,6 wir wirdek werden ire gebetes un- daz
 3,7 wir fon ire wurden teilnunftē muozzen
 3,8 werden ire gunlichheite in den himelischen
 3,9 stuolen . Qua- ocl̄s n̄ . uidit
 3,10 Dilectissimi referendum est
 3,11 uobis unde dies iste habeatur solempnis .
 3,12 Mine lieben mit kurzen worten
 3,13 so sul wir iu sagen wan abe uf deme
 3,14 tac si gesazt ze begenne ob ir ez geret
 3,15 ze horne . Dirre tac der n̄ ist niht gesazt
 3,16 umme daz ze firne daz scs- petrus fon
 3,17 den banden wurde ledeg alse her ist
 3,18 wande wir lesen daz daz er umme osteren
 3,19 wurde erledeget fon den banden
 3,20 un- fon deme engele enwek geleitet wart
 3,21 uzze deme kerkere . Dar inne so sult
 3,22 ir file wole wizzen daz dirre tac n̄ ist

4,1 minst dar umme gesazt ze begeenne .
 4,2 sunder dar umme daz sca- eudoxia du kuningin
 4,3 sine ketenen da mite er gebunden
 4,4 was an daz cruce ze rome bestatete in
 4,5 deme altari sci- petri munsters . Disen tac
 4,6 den begiengen romere wilent in die ere
 4,7 augusti cesaris . wande er den sige uaht
 4,8 an antonino deme rihtere alse hute . un-
 4,9 durch taz so sazten si disen tac ze begeenne .
 4,10 un- worhten ein munster uber sin grab .
 4,11 un- sazten den tac da der sehtes maent ane
 4,12 get allez in der heidenscheffe was dit . un-
 4,13 begiengen disen tac allergergelich harte
 4,14 flizzekliche . un- ire afterkumelinge
 4,15 die widernuweten ie den tac gergeliches .
 4,16 Do wart do der heidenische site uerwandelet
 4,17 in der gloubegen site . als wir iu

- 4,18 nu sagen . Eudoxia du keiserin du wolte
 4,19 ze ierl'm fare durch ires gebetes willen .
 4,20 un- ein ungetruwe iude der quam ire
 4,21 zu . un- gab ire eine getruwe gabe . die
 4,22 ketenen da mite herodes hatte scm- petrum [...] [...]
- 5,1 [...] [...] valeriano entwurte . Der gebot daz man allez
 5,2 sin ingesinde for sinen ougen houbte . un-
 5,3 daz man in selben wilden pherden an
 5,4 den zagel strikte . daz in die fuorten uber
 5,5 dorne un- uber distele also lange unze
 5,6 si in zu me tode brehten . Do dit allez
 5,7 ergienk do hub sich decius uf mit valeriano
 5,8 un- solten faren in amphiteatrum
 5,9 in die stat in den worten daz si di cristenheit
 5,10 da geminnereten . un- sua so si decheinen
 5,11 cristenen funden . daz si den zu dere
 5,12 martere zugen . un- alse si bede uf deme
 5,13 wageNe fuoren under wegen so wurden
 5,14 si befangen bede mit deme tufele . un-
 5,15 der eine der rief daz in scs- laurentius
 5,16 mit iserinen ketenen tuunge . so rief aber
 5,17 der ander daz er fone sco- ypolito genoteget
 5,18 were . vn- san ze stunt so wart valerianus
 5,19 ertotet fon me tufele . da furte
 5,20 man decium widere zu siner phelenzen .
 5,21 un- dri tage so wart er gemuot fon me tufele .
 5,22 wande er rief daz in eine wile scs-
- 6,1 scs laurentius ein andere wile scs- ypolitus
 6,2 starke marterte . do ze iungest am me dritten
 6,3 tage wart . do wart er ze me tode
 6,4 braht mit der meisten not die ie dechein
 6,5 mennesche dorfte liden . un- wart gefuort
 6,6 in daz ewige fur da muoz er iemer sin
 6,7 ane ende . Do dit gesach sin wip du hiez
 6,8 triphonia un- ire tochter du was cirilla genant .
 6,9 un- siner rittere sehse un- fierzek .
 6,10 di gloubten an unsern herren ih-m xpm- . di
 6,11 toufte alle scs- iustinus pb-r . da uerschied triphonia
 6,12 des andern tages do su an ire gebete
 6,13 lac . di anderen die wurden alle gemarteret
 6,14 durch unsers herren minne . Mit
 6,15 dirre schare mine lieben so fuor scs- laurentius
 6,16 uzze deme wige unsers herren gotes
 6,17 als ein frume uenre . deme folgeten si
 6,18 froliche mit deme sige zu dere untotlicher
 6,19 cronen . Dise sint die fon grozen engesten

- 6,20 un- noten quamen . un- ouch wande
 6,21 si ire stolas in ire eigeneme blute hant
 6,22 gewaschen durch daz so sint si geworden
- 7,1 ze sten mit palmen vor des lambes
 7,2 antlizze . un- sulen mit ime erbelinge werden
 7,3 sines riches . un- di di si da marterten
 7,4 di sulen si sehen quele ane ende . So wir
 7,5 mine lieben daz wole wizen daz dise heiligen
 7,6 under den engelen schinent wande
 7,7 si disen lip gaben umme den ewigen lip .
 7,8 so sul wir si biten daz wir ire also file geniezen
 7,9 muzzen daz wir den sich behaben
 7,10 fon unsern sunden . un- daz wir mit deme
 7,11 guoten merterere sco- laurentio etteslich
 7,12 teil bruchen muzzen illa gl'a . Qam
 7,13 oculus non uidit . n\c a . n . i- . c . h . a . In assu-pt- . Sce- MaRie
 7,14 Qvicumq; conuenistis
 7,15 hodie in honorem sce- MaRie . mat's
 7,16 dni- . toto corde inuocate eam ut int'cedat
 7,17 p- peccatis nri-s . Mine lieben alle die
 7,18 hute hij sin zesamene kumen . in die ere
 7,19 unser frouwen sce- MaRie . die sulen si ane
 7,20 ruofen mit alleme ire herzen . daz su uns
 7,21 wegende si fur unser sunde . wande werliche
 7,22 su ist du frouwa . du daz heil hat braht
- 8,1 in dirre werlnte un- ist
 8,2 geheizen maris stella wande su alle dise
 8,3 werlnt erluhtet [...] [...] su ist [...]sa[...]te[...] [...] was
 8,4 daz mare daz alzouwes ist an der bewegunde .
 8,5 un- niemer an einer stete blibet . alse
 8,6 wahe so daz mennesshen geslehte eruallen
 8,7 was fon deme rate des tufes . also wahe un-
 8,8 micheles baz so erschein daz heil der werlnte
 8,9 bi unser frouwen sce maRie do si der engel
 8,10 minekliche gruozte un- ire boteschefe
 8,11 daz su solte tragen ein heil aller der werlnte .
 8,12 Su ist ein sunderlich zuuersicht un- hoffenunge
 8,13 allen den di sich zu ire gehabent
 8,14 un- zu ire gnade flehent . sie ist ouch durch
 8,15 die unser herre ih-c xpc ire true sun allen
 8,16 den ire sunde uergibet di si s ane suochent
 8,17 su ist ouch du sich hute frouwet under den
 8,18 choren der heiligen engele . for gotes antlizze
 8,19 mit der ewigen frouwede . Su ist du
 8,20 uns gebar daz ewige liht in selbem unsern
 8,21 herren ihm xpm- gotes sun fon deme ouch

- 8,22 alle duse werlnt erluhtet ist gnadeckliche .
- 9,1 er sagete daz scs- Nicholaus ime erschine uf deme mere . un-
 9,2 als er in daz wazzer fiele . daz er in enthielde .
 9,3 un- mit sinen handen enphienge . un- wi er in
 9,4 gesunt an den stat brehte . un- daz er in alrehte
 9,5 here zu sineme munstere hette geleitet . Do si
 9,6 daz gehorten [...] [...]
 9,7 do lobeten si alle got der wunder
 9,8 tuot mit sinen heiligen . Da nam des kindes
 9,9 fater do daz guldine faz un- andere manege
 9,10 herliche gabe . un- brahte si deme guoten
 9,11 sco- Nicholao ze lobe un- zu eren . un- fuor widere
 9,12 in sin lant [...] [...]
 9,13 [...] [...] unde lobete
 9,14 unsern herren got aller siner gnaden .
 9,15 Ez was ouch ein harte richer koufman . der
 9,16 [...] [...]
 9,17 [...] [...]
 9,18 [...] [...]
 9,19 [...] [...] do get
 9,20 er zu eineme iuden . un- bitet in daz er ime
 9,21 borge wolte einen benanten schaz . Da sprach
 9,22 der iude daz ime ein phant setzte . er lihe
- 10,1 ime sues so er in bette . des entuwrte ime aber
 10,2 der koufman . un- er sprach er ne hette niht phandes .
 10,3 wolde er einen burgen . den wolte er ime
 10,4 gerne sezen . do fragte der iude wer der
 10,5 burge were . un- ob er ime getruwen mohte .
 10,6 [...] [...]
 10,7 [...] [...] do nennet der koufman den
 10,8 guten scm- Nicholaum . ob er den genemen
 10,9 mohte . Do sprach aber der iude . “ich horen so
 10,10 maneg tink fon ime sagen . daz er getruwe si
 10,11 ich wil in gewisse zu eineme burgen haben .”
 10,12 [...] [...]
 10,13 [...] [...] do er
 10,14 do mit deme schazze hine un- here fur im me
 10,15 lande . un- sich fil wole hatte erholet un- des
 10,16 [...] [...]
 10,17 [...] [...]
 10,18 [...] [...]
 10,19 [...] [...]
 10,20 also daz in der iude beclagete for me gerihte .
 10,21 da lougenete der koufman . un- sprach
 10,22 er hette ime sin golt wole uergolden . un-

- 11,1 er borgete sin gerihte alda for al der werlnte .
 11,2 Nu fert der koufman zu un- nimet einen stab
 11,3 un- goz daz golt dar in daz er deme iuden
 11,4 gelden solte . un- uermachete ez da inne harte
 11,5 listekliche . un- des morgenes do er zu der
 11,6 kirchen gen solte da er daz gerihte leisten
 11,7 solte . da gab er den stab deme iuden an die
 11,8 hant ze tragene . for al der werlnte . un- gienk
 11,9 zu sci- Nicholai altare un- suur daz er sinen
 11,10 burgen geledeget hette . un- daz er daz golt
 11,11 hette wider gegeben daz er geborget hete .
 11,12 Da sprach der iude . “ich wil des wole getruwen
 11,13 daz mich Nicholaus wole gereche ane dir .”
 11,14 Da nam er sinen stab widere . un- als er froliche
 11,15 heim gienk mit sinen frunden . under wegen
 11,16 so bestuont in du gotes rache . wande er
 11,17 sich sines nehesten schaden frouwete . Da begonde
 11,18 in san so sere ze slafferne daz er sines libes
 11,19 necheinen rat wosse . er ne slieffe . da legete er
 11,20 sich slaffe rehte alda da zuene wege zesamene
 11,21 giengen . un- leget den stab bi sich da
 11,22 des iuden golt inne was . sehet mine lieben
- 12,1 ein geladen wagen kumet geuarn . der ne mohte weder
 12,2 einhalb noch anderhalb hine gefare . noch ne
 12,3 mohten den rossen die knehte niet geciehe . da begonden si
 12,4 doch ze ruofene un- ze klophene . mit nihte so ne
 12,5 konden si in rewekke . da farent si uber in . un-
 12,6 zedrukken in allerteiliglich . daz er da tot lac .
 12,7 da wart ouch der stab zebrochen der bi ime lac .
 12,8 da fiel daz golt uz daz des iuden was . daz er
 12,9 ime mit unrehte wolte ane gewinnen . Do lief
 12,10 daz lut allenthalben zu . un- schouweten daz
 12,11 wunder daz da geschehen was . un- namen daz
 12,12 golt un- gaben ez deme iuden widere . da gienk
 12,13 er in daz munster mit der cristenheite un- lobete
 12,14 unsern herren got . un- den guoten scm- nicholau-
 12,15 aller siner gnaden . Dar nach so globete
 12,16 der selbe iude . ob sin schuldege lebende wurde .
 12,17 der fon sinen schulden tot were . er wolte
 12,18 sich lazze toufen durch sci- nicholai ere . O wi
 12,19 lieben nu merket die gnade unsers herren
 12,20 ihu- xi un- die wurde des guoten sci- nicholai .
 12,21 Do du werlnt an ire gebete was . un- unsern
 12,22 herren got lobeten . wartet wa der koufman
- 13,1 gesunt in daz munster gienk . deme der wagen
 13,2 alle sine gelide hatte zefuort . un- for in

13,3 allen so ueriach er siner missetete . un- saget
 13,4 in wi er gefarn hete . Do dit der iude gesach .
 13,5 da fuor er zu un- liez sich toufen mit alleme
 13,6 sineme ingesinde . un- geloubte an unsern herren
 13,7 ih-m xpm- . alsus wart du cristenheit gemeret
 13,8 tegeliches . un- alsus wart xpc- un- sin kneht
 13,9 gelobet in der cristenheite der guote scs- nich- .
 13,10 Ouch was ez ein zolnere ein heiden . der hatte
 13,11 ein bildechin gesniten nach deme bilde sci-
 13,12 Nicholai . nu kumet ez also daz er faren solte
 13,13 sines kouffes . nu befilhet er sinen schaz deme
 13,14 selben bildechine . Vn- als er sinen wek gefuor
 13,15 des selben nahtes do er widere solte kumen .
 13,16 do quamen die diebe un- uerstalen ime daz
 13,17 silbere . Do er do heim quam un- des schazzes
 13,18 nine fant . do begonde er ze weinene un- ze ruoffene
 13,19 uber allez daz hus . un- nam eine geislen .
 13,20 un- sluk daz bilde . un- isch sinen schaz widere .
 13,21 In den stunden so gesazzen die diebe . un- solten
 13,22 den schaz teile . da erschein in der guote scs- nih .

14,1 un- tuank si mit drouwen un- mit ander eise
 14,2 daz si den schaz wider truogen des nahtes .
 14,3 Do do der zolnere fru uf stuont un- sinen schaz
 14,4 fant . da begonde er san daz bilde ze helsene
 14,5 un- ze kussene mit michelere frouwede . da erschein
 14,6 ime scs- Nicholaus . un- manete in fon
 14,7 deme heile der sele . daz er der sele gedehte .
 14,8 Da bekarte sich der heidenische man . un- liez
 14,9 sich toufen mit alleme sineme ingesinde . un-
 14,10 uffe sineme eigene so machete er eine kirchen
 14,11 in sci- nicholai ere . da inne so dinete
 14,12 er ime biz an sin ende . un- bleib in unsers herren
 14,13 ihu- xi lobe al di wile daz er lebete .
 14,14 Do man do mine lieben sci- Nicholai lichamen
 14,15 fone mirrea hine ze bare fuorte . do wurden
 14,16 innewendek einer wochen menneschen
 14,17 gesunt . ingegen zuenzegen un- hunderten .
 14,18 fone blinden . fone touben . fone stummen . fone
 14,19 halzen . fon den den der lib dorrete . fon den
 14,20 die mit deme tufele besezzen waren . un- mit
 14,21 anderme sichetagen befangen waren . die
 14,22 wurden alle gesunt in deme namen unsers

15,1 herren ih-u xi un- sines bischoffes . des guoten
 15,2 sci- Nicholai . den er wole hat geeret in dirre
 15,3 werlnte . un- in herliche hat gehohet un- bestatet
 15,4 under sinen engelen in deme himelriche .

15,5 Disen heiligen bischof mine lieben den ruoffe wir
15,6 an daz er [...] [...]
15,7 [...] [...] unser
15,8 sele iht lazze uerlorn werde oder unsern lib
15,9 mit den blutegen mannen uerliese . sunder wir
15,10 muozzen mit ime horen des lobes stimme .
15,11 un- muzzen ze le unsers herren gotes wunder
15,12 [...] [...]
15,13 Petri et Pauli aplorum Sermo
15,14 Gloriosi
15,15 principes terre quomo in uita sua
15,16 non sunt separati [...] [...]
15,17 [...] [...]
15,18 [...] [...]
15,19 [...] [...]
15,20 fuor er an deaz mere in galileam . un- was da ein
15,21 fischere . un- begienk sich siner hande . also noch
15,22 file guote lute tuont . biz ane die stunde daz in

16,1 unser herre ih-c x-c ladete zu sich un- larte in
16,2 mit sinen heiligen worten wi er die lute solte
16,3 fahen mit deme nezze des heiligen euagl'ij .
16,4 un- si solte uf ciehe zu der ewigen ruwe . Des
16,5 gefolgete er ime . wande er liez beide schief
16,6 unde nezze [...] [...]
16,7 [...] [...] do wart
16,8 er sin iungere . unsers herren ihu- xi . dar umme
16,9 so lart er in finde die stige des ewigen libes .
16,10 un- machete in wirdek z enphahene die zukunft
16,11 des heiligen geistes . un- dar umme so
16,12 [...] [...]
16,13 geren wande er [...] [...] [...] chein [...]
16,14 siner iungeren alse wir u nu
16,15 wollen heimeliche sagen Do unser herre ih-c
16,16 xpc- [...] [...]
16,17 [...] [...]
16,18 [...] [...] do fragete er waz die lute sageten wer er
16,19 were . do sprachen si . sumeliche sprechen daz
16,20 er helyas were . so sprechen aber die anderen
16,21 er were iohannes babtista . so sageten aber
16,22 andere er were iheremias . oder ein ander prophete